

CXV.

Quod Monachi Congregationis Beatae Mariae Fulienfis, Ordinis Cisterciensis, possint ubique, de sola Ordinariorum licentia, nova Monasteria construere.

Isam Congregationem primo approbavit Sixtus Quintus Constituit. X. Super Tom. IV. Part. IV. fol. 366.

PAULUS PAPA V.

Ad perpetuam rei memoriam.

Exordium.

Ministerio sacri Apostolatus officii licet immeriti praesidentes, ad ea, per quae cunctorum fidelium praesertim religiosorum sub reformatione ad arctiorem regularis disciplinae observantiam introducta vacantium profectui, & eorum locorum regularium propagationi provideatur, libenter intendimus, & ea, quae his quodammodo obviare videntur, tollimus, & alias in his officii nostri partes favorabiliter impertimur, prout rerum, temporum, & personarum qualitatibus diligenter pensatis, conspicimus in Domino salubriter expedire.

Frustrum ex huius Congregationis ampliatione manantes.

§. 1. Cum igitur sicut cum magno spirituali gaudio nostro accepimus, dilecti filii Religiosi, & Monachi Congregationis Beatae Mariae Fulienfis Ordinis Cisterciensis, tam Galliae, quam Italiae, aliisque Mundi partibus pergant assidue Deo, & Ecclesiae suae sanctae, non solum ipsi Deo per orationem, & contemplationem sedulo vacando, verum etiam animarum salutem exemplo, & doctrina solite procurando, gratum exhibere famulatum; Cumque in dies fructus uberiores ex dictae Religionis propagatione, benedicente Domino, sperandi sint; Nos ea, quae Religiosorum praedictorum adjumento esse possunt, concedenda, & ad ea, quae illis in hoc impedimentum aliquod adferre dignoscuntur, removenda, merito propensiores sumus.

Pontifex loca ubique de sola Ordinariorum licentia constituit, & recipi posse conce- dit.

§. 2. Quapropter dictam Congregationem Fuliensem specialis gratiae favore, prosequi volentes, illiusque singulares personas a quibusvis excommunicationis & censentis, Motu proprio, non ad alicujus Nobis super hoc oblatae petitionis instantiam, sed de mera deliberatione, ac certa scientia, deque Apostolica potestatis plenitudine, de consilio Venerabilium Fratrum Nostrorum S. R. E. Cardinalium, negociis Episcoporum, & Regularium Praepositorum ejusdem Congregationis Fulienfis Generali, Abbatibus, Prioribus, & Religiosis ubique locorum, juxta literarum sel. record. Sixti Papae V. Praedecessoris Nostri super erectione Congregationis hujusmodi, sub Datum Idibus Novembris, Pontificatus sui Anno Tertio, expeditarum formam, & tenorem, quas praesentibus pro expressis, ac si de verbo ad verbum infererentur, haberi volumus, ac dictae Congregationis Constitutiones, & Statuta, Monasteria, Domos, Conventus, Oratoria, Grangias, & alia quaecumque loca, juxta Concilii Tridenti-

ni Decreta, de sola Ordinariorum licentia, nullo aliarum personarum cujusvis Ordinis, etiam Regularium, requisito consensu, construere, fundare, & erigere, ac etiam per alios jam fundata, & erecta recipere possint, & valeant, auctoritate Apostolica, tenore praesentium, licentiam, & facultatem concedimus, & impertimur.

§. 3. Quo circa Venerabilibus Fratribus Archiepiscopo Tholosano, & Episcopo Parisiensi, seu eorum Officiali, & Vicario in spiritualibus generali respective, ac dilecto filio Curiae causarum Camerae Apostolicae generali Auditori, per praesentes committimus, & perpetuo mandamus, quatenus ipsi, vel duo, aut unus eorum per se, vel alium, seu alios, praesentes nostras literas, & in eis contenta quaecumque, quoties pro parte dictae Congregationis Fulienfis religiosorum, vel cujuslibet eorum fuerint requisiti, solemniter publicantes, eisque in praemissis efficacis defensionis praesidio assistentes, faciant auctoritate Nostra ab omnibus inviolabiliter observari, dictaque Congregationis Monachos, ac eorum singulos illis pacifice frui, & gaudere, non permittentes, eos, vel quemlibet eorum per quoscumque desuper quomodolibet indebite molestari, vel perturbari, contradictores, & rebelles quoslibet per sententias, censuras, & poenas etiam pecuniarias eorum arbitrio imponendi, moderandi, & applicandi, caeteraque opportuna juris, & facti remedia, appellatione postposita, compescendo, legitimisque super his habendis servatis processibus sententias, censuras, & poenas ipsas etiam iteratis vicibus aggravando invocato etiam ad hoc, si opus fuerit auxilio brachii saecularis.

Executores huius Constitutionis deputat.

Contrariis derogat.

§. 4. Non obstantibus praemissis, ac sel. record. Clementis Papae VIII. similiter Praedecessoris Nostri, quae incipit: *Quoniam ad institutum*, sub Dat. Romae apud S. Marcum sub Annulo Piscatoris die 23. Julii 1603. Pontificatus sui Anno 12. necnon pie mem. Bonifacii Papae VIII. etiam Praedecessoris Nostri de una, & in Concilio generali edita de duabus dietis, dummodo ultra tres dietas aliquis auctoritate praesentium ad iudicium non trahatur, aliisque Constitutionibus, & Ordinationibus Apostolicis, nec non in Provincialibus, & Synodalibus Conciliis editis specialibus, vel generalibus, ac cujusvis alterius Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, quibusvis aliis Ordinibus, ac eorum Superioribus, & personis, sub quibuscumque tenoribus, & formis in contrarium praemissorum quomodolibet concessis, confirmatis, approbatis, & innovatis. Quibus omnibus, & singulis, eorum tenores, ac si de verbo ad verbum infererentur, praesentibus pro expressis habentes, hac vice dumtaxat, specialiter, & expresse derogamus, caeterisque contrariis quibuscumque; Aut si aliquibus communiter, aut divisim ab Apostolica sit Sede indultum, quod

quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Transumptis quoque credi mandat.

§. 5. Volumus autem, ut praesentium transumptis, etiam impressis, manu Notarii publici subscriptis, & sigillo alicujus personae in dignitate Ecclesiastica constitutae, aut manu Generalis, & sigillo dictae Congregationis Fulienfis munitis, eadem prorsus fides adhibeatur in iudicio, & alibi, ubi opus fuerit, quae ipsis praesentibus adhiberetur, si forent exhibitae, vel ostensa.

Dat. die 14. Augusti 1608. An. IV.

Datum Romae apud S. Marcum, sub Annulo Piscatoris die 14. Augusti 1608. Pontificatus Nostri Anno Quarto.

CXVI.

Ex Reg. in Secret. Breve.

Confirmantur literae Clementis PP. VIII. super reductione Fratrum Tertii Ordinis Sancti Francisci Regni Franciae ad obedientiam Magistri Generalis Ordinis Sancti Francisci de Observantia.

PAULUS PAPA QUINTUS

Ad perpetuam rei memoriam.

Prooemium.

In supremi Apostolatus apice constituti de ea libenter intendimus, per quae Religiosorum Ordinum quorumcumque status optime dirigitur, & quae ideo etiam Apostolica auctoritate facta fuerunt, ut firmiora perpetuo subsistant, Nostrae quoque Apostolicae auctoritatis robore communimus.

Clem. VIII. Fratres Tertii Ordinis Provinciae Franciae ad obedientiam Magistri Generalis de Observantia redigi iussit. Eiusdem Clementis literae.

§. 1. Alias siquidem a sel. record. Clemente PP. VIII. Praedecessore Nostro emanarunt in simili forma Brevis literae tenoris subsequentes, videlicet.

CLEMENS PAPA VIII.

Ad perpetuam rei memoriam.

Ex injuncto Nobis Pastoralis muneris debito Religiosorum quorumcumque statui prospere dirigendo libenter prospicimus, prout in Domino salubriter conspicimus expedire.

Volentes igitur prospero statui, & felici regimini Fratrum Tertii Ordinis Sancti Francisci in Regno Franciae existentium, quantum in Domino possumus, opportune prospicere, motu proprio, & ex certa nostra scientia, ac mera deliberatione, deque Apostolica potestatis plenitudine, universos Fratres dicti Tertii Ordinis Sancti Francisci Regni Franciae, eorumque Conventus, seu Domos quascumque dilecto filio Ministro Generali Ordinis Sancti Francisci de Observantia, ac Commissario Generali Ultramontanae Familiae praedicti Ordinis, nec non Commissario Generali Nationali Franciae, quem praedictus Minister Generalis pro tempore deputaverit, qui ut accipimus, in ipsorum Ministri, & Commissarii Generalis absentia septem Provincias dicti Ordinis Minorum de Observantia Regni Franciae gubernare solet, auctoritate Apostolica, Bull. Rom. Tom. V. Par. III.

stolica tenore praesentium perpetuo subjiciamus, ipsisque Ministro, & Commissario Generalibus Ultramontanae Familiae, nec non Commissario Generali Nationali Franciae respective, ut eorum singuli, per se, vel alios sui Ordinis Fratres ad hoc idoneos, ab eis respective deputandos Domos, & Conventus, ac Fratres Tertii Ordinis Sancti Francisci praedictos tam in capite, quam in membris visitare, corrigere, reformare, & castigare, necnon electionem Ministri Provincialis, ut infra, faciendam, servata forma Decretorum Concilii Tridentini facere, & confirmare possint, facultatem concedimus, & impertimur.

Praeterea, cum modo praedicti Tertii Ordinis Fratres Ministrum Provincialem non habeant, volumus, & eadem auctoritate statuimus, & ordinamus, quod Fratres praedicti Tertii Ordinis, seu eorum Conventuum Superiores, & alii Vocales in unum congregentur iussu dicti Ministri Generalis Sancti Francisci de Observantia, seu Commissarii Nationalis Franciae, & ex se ipsis unum Ministrum Provincialem per vota secreta eligant, qui sic electus ab eodem Ministro Generali, vel Commissario Nationali Franciae, aut alio, qui eorum nomine hujusmodi electioni praesuerit, confirmare debeat, ac omnibus privilegiis, facultatibus, & auctoritate super omnes dicti Tertii Ordinis Conventus, & Fratres Regni Franciae, quibus alii Ministri Provinciales aliarum Provinciarum Tertii Ordinis Sancti Francisci hujusmodi ubivis existentium frui, & gaudere possunt, & poterunt quomodolibet in futurum, sine aliqua differentia frui, & gaudere possit, & debeat, prout ei ad hoc nominatim facultatem concedimus, & impertimur.

Volumus tamen, quod singulis bienniis, seu trienniis iidem Fratres Vocales Tertii Ordinis praedicti Capitulum Provinciale celebrent, ante cujus celebrationem tunc existens Minister eorum Provincialis teneatur a dicto Generali Ministro Fratrum de Observantia, vel a Commissario Generali Ultramontanae Familiae, seu a Commissario Generali Franciae Nationali ejusdem Ordinis de Observantia Visitatorem petere, qui eorum Provinciam visitet, & electionem novi Ministri Provincialis, ut supra, faciat, & confirmet.

Verum si hujusmodi Visitator intra duos, aut tres menses ad summum non accesserit, praedicti Fratres Tertii Ordinis ad celebrationem Capituli, & electionem novi Ministri Provincialis, absque interven- tu dicti Visitatoris procedere valeant, de qua electione Visitatorem postea accedentem, qui eam confirmare teneatur, certiorum facere debeant. Sed si post factam hujusmodi electionem, & dictis Superioribus notificatam, electio praedicta intra sex menses ab eis confirmata, vel infirmata non fuerit, ipsa electio Apostolica auctoritate censetur confirmata eo ipso.

Decernentes sic, & non aliter perpetuo observari debere, ac irritum, & inane quic-

quicquid secus super his a quoquam quavis auctoritate scienter, vel ignoranter contigerit attentari.

Non obstantibus quibusvis Constitutionibus, & Ordinationibus Apostolicis, ac dicti Tertii Ordinis Sancti Francisci, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Ordini, illiusque Superioribus, & personis in contrarium præmissorum quomodolibet concessis, confirmatis, & approbatis. Quibus omnibus, & singulis, eorum tenores præsentibus pro expressis habentes, hac vice dumtaxat specialiter, & expresse derogamus, cæterisque contrariis quibuscumque.

Datum Tusculi sub annulo Piscatoris die 2. Octobris 1603. Pontificatus nostri Anno XII.

Execuzioni demandari precipitur.

§. 2. Nos igitur omnino cupientes dictas Clementis Prædecessoris literas suos plenarios, & integros effectus, ubi fortitè non sunt, perpetuo fortiri, ac majus, quo sapius a Sede Apostolica fuerint confirmatæ, firmitatis robur obtinere; Motu simili, ac ex certa nostra scientia, & mera deliberatione Nostris, deque Apostolica potestatis plenitudine eandem literas, & in eis contenta quæcumque perpetuo confirmamus, & approbamus, illisque perpetuæ, indubitata, & inviolabilis Apostolicæ firmitatis robur adjiciamus, ac per eos, ad quos spectat, & spectabit quomodolibet in futurum, etiam perpetuo observari mandamus.

Clausula.

§. 3. Decerentes pariter irritum, & inane, quicquid secus super his a quoquam quavis auctoritate scienter, vel ignoranter contigerit attentari.

Derogatio contrariorum

§. 4. Non obstantibus Constitutionibus, & Ordinationibus Apostolicis, necnon dicti Tertii Ordinis Sancti Francisci, etiam juramento, confirmatione Apostolica, vel quavis firmitate alia roboratis statutis, & consuetudinibus, nec non omnibus illis, quæ idem Clemens Prædecessor in iisdem præinfertis literis voluit non obtinere, cæterisque contrariis quibuscumque.

Dat. die 27. Augusti 1608. An. IV.

Datum Romæ apud Sanctum Marcum sub annulo Piscatoris die 27. Augusti 1608. Pont. nostri Anno IV.

CXVII.

Contra mulieres ingrediendi Monasteria, Monialium licentis abutentes.

PAULUS PAPA V.

Ad futuram rei memoriam.

Facultatem plura Monasteria Monialium ingrediendi abusus tollere volentes.

Declaratio circa usum licentiarum.

§. 1. Tenore præsentium statuimus, & ordinamus, quod nulla persona cujuscumque gradus, status, & conditionis, ac præminentiæ existat, etiam si Ducali, Marchio-

nali, aut alia dignitate præfulgeat, vigore licentiarum plura Monasteria, domos, & loca Monialium, pluribus vicibus ingrediendi, etiam absque clausula (in totum, seu in universa, non autem in eorum aliqua, vel singula) a Nobis, vel Prædecessoribus nostris Romanis Pontificibus, sub quovis tenore, vel forma, etiam motu proprio concessarum, & expeditarum, aut impostarum forsitan concedendarum, & expeditarum, aliqua, vel singula Monasteria pluribus vicibus ingredi possit, sed licentia hujusmodi respectu universorum, non autem aliquorum, vel singulorum Monasteriorum suffragentur, ita ut cui bis in Anno, seu amplius plura Monasteria ingredi conceditur, bis, vel amplius tantum universa, non autem eorum aliqua, vel singula, ingredi liceat, etiam si prædicta Monasteria in diversis Civitatibus, Terris, Diocesis, & locis existant.

Pœna abutentium.

§. 2. Iisdem mulieribus, aliter quam ut præfertur eandem licentias interpretari, vel illis uti, sub censuris, & pœnis a Concilio Tridentino, & Apostolicis Constitutionibus intra septa Monasteriorum Monialium absque licentia ingredientibus inflis, ipso facto incurrendis. eadem auctoritate prohibemus.

Claus. derog.

§. 3. Præmissis, & aliis quomodolibet in contrarium facientibus quibuscumque non obstantibus.

Fides transumptorum.

§. 4. Volumus autem, ut harum literarum exemplis etiam impressis, & manu alicujus Notarii publici subscriptis, ac sigillo alicujus personæ in dignitate Ecclesiastica constituta munitis, eadem prorsus fides adhibeatur, quæ ipsismet præsentibus adhiberetur, si forent exhibitæ, vel ostense.

Dat. die 1. Septem. 1608. An. IV.

Datum Romæ apud Sanctum Marcum, sub annulo Piscatoris, die 1. Septem. 1608. Pont. nostri Anno IV. (a)

CXVIII.

Monachis Ordinis Sancti Basilii Magni conceditur facultas Monasteria erigendi Matriti, & in aliis quatuor Hispaniarum locis.

Ex Regest. in Secret. Brev.

PAULUS PAPA V.

Ad futuram rei memoriam.

§. 1. Exponi Nobis nuper fecit dilectus filius Petrus Celi Ordinis Sancti Basilii Procurator Generalis nomine omnium Monasteriorum dicti Ordinis in Regnis Hispaniarum existentium, quod alias felicis recor. Clemens Papa VIII. Prædecessor Noster duo Monasteria del Tardon nuncupata ab aliis ejusdem Ordinis Monasteriis dictorum Regnorum separavit, & duobus

Clem. VIII. duobus exceptis Basilii Magni Monasteriis in Hispaniis in cæteris Novitiis recipiavit.

(a) Die 16. mensis hujus Paulus PP. Constitutione, quæ incipit Injuncti Nobis Privilegia omnia Ordini Minorum de Observantia concessa confirmavit.

bus illis exceptis, cæteris omnibus receptionem Novitorum, novorumque locorum, seu Monasteriorum fundationem interdixit. Subinde tamen dilectus filius Noster Joannes Garzias Tituli Sanctorum quatuor Coronatorum Presbyter Cardinalis Millinus nuncupatus tunc Noster, & Sedis Apostolicæ in dictis Regnis Nuncius, de mandato Nostro Monasteriis prædictis, Constitutiones Monachorum dicti Ordinis Provinciae Italiae assignavit.

Petunt itaque facultatem sibi concedi nova erigendi Monasteria Matriti, & in aliis Hispaniarum locis.

§. 2. Cum autem, sicut eadem expositio subjungebat, in Oppido Matriti Tolentanae Diocesis nullum Monasterium dicti Ordinis reperitur; Et propterea Monachi ejusdem Ordinis, qui ad Curiam Charissimam in Christo filii Nostri Philippi Hispaniarum Regis Catholici pro negotiis suorum Monasteriorum pertractandis accedunt, ad Hospitia personarum secularium divertere, & inibi etiam morari cogantur; Idcirco Superiores, & Monachi dictorum Monasteriorum plurimum cupiant, sibi concedi, ut tam in prædicto Oppido, quam in aliis dictorum Regnorum locis nova Monasteria erigere possint; Idcirco dictus Petrus nomine, quo supra, Nobis humiliter supplicari fecit, ut in præmissis providere de benignitate Apostolica dignaremur.

Paulus concedit, ut illa Matriti, & in aliis quatuor locis possint erigere.

§. 3. Nos igitur de ea, quæ Monachorum prædictorum augmento, & commoditatibus cedere possunt, libenter attendentes, dictisque Superiores, & Monachos, ac eorum singulos, a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existant, ad effectum præsentium dumtaxat consequendum, harum serie absolventes, & absolutos fore censentes, hujusmodi supplicationibus inclinati, Superioribus, & Monachis prædictis, ut in dicto Oppido Matriti, & quatuor aliis locis dictorum Regnorum, Monasteria ejusdem Ordinis juxta Concilii Tridentini decreta, de sola licentia Ordinariorum, nullo aliarum personarum cujusvis Ordinis requisito consensu, absque tamen alicujus præjudicio condere, fundare, & erigere valeant, auctoritate Apostolica tenore præsentium, licentiam, & facultatem concedimus, & indulgemus.

Derogatio contrariis.

§. 4. Non obstantibus dicti Clementis Prædecessoris interdicto prædicto, ac eisdem, quæ incipiunt: Quoniam ad institutam, sub Datum Romæ apud Sanctum Marcum sub annulo Piscatoris die 23. Julii 1603. Pontificatus sui Anno XII.; aliisque Constitutionibus, & Ordinationibus Apostolicis, & cujusvis alterius Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis quibusvis aliis Ordinibus, ac eorum Superioribus, & personis, sub quibuscumque verborum formis, & tenoribus, in contrarium præmissorum quomodolibet concessis, confirmatis, & Bull. Rom. Tom. V. Par. III.

approbatis. Quibus omnibus, & singulis, eorum tenores præsentibus pro expressis, & ad verbum insertis habentes, hac vice dumtaxat specialiter, & expresse derogamus, & derogatum esse volumus, cæterisque contrariis quibuscumque.

Datum Romæ apud Sanctum Marcum sub annulo Piscatoris die 17. Septem. 1608. Pont. nostri Anno IV.

Dat. die 17. Septem. 1608. Vn. IV.

CXIX.

Deputatio Cardinalis Lantes in Protectorem Ordinis Fratrum Minorum Conventualium Sancti Francisci, cum facultatum declaratione. (a)

Dilecto Filio Nostro Marcello, Tituli Sanctorum Quirici, & Julitte, Presbytero Cardinali Lantes nuncupato.

PAULUS PAPA QUINTUS

Dilecte Filii Noster, salutem, & Apostolicam benedictionem.

Deputatio Card. Lantes in Protectorem.

§. 1. Cum Ordo Fratrum Minorum, Conventualium Sancti Francisci Protectore ad præsens destitutus reperitur; Nos eidem Ordini de idoneo Protectore providere volentes, ac de tua industria, singulari prudentia, doctrina, & integritate, ac Religionis zelo, plurimam in Domino fiduciam habentes, motu proprio, non ad ipsius Ordinis, aut ejus Superiorum, vel alterius pro eis Nobis super hoc oblatæ petitionis instantiam, sed ex certa scientia, & deliberatione Nostris, Te, ex cujus protectione ob tuas eximias virtutes Ordinem prædicti commodi plurimum suscepturum esse confidimus, prædicti Ordinis, ac illius Domorum, Conventuum, & Fratrum quorumcumque apud Nos, & Sedem Apostolicam Protectorem, cum omnibus facultatibus, jurisdictionibus, honoribus, & oneribus solitis, & consuetis, ac quibus alii Ordines hujusmodi Protectores usi sunt, ac uti quomodolibet potuerunt, seu etiam debuerunt, ad tui vitam facimus, constituimus, & deputamus.

§. 2. Volumus autem, ac tibi in virtute sanctæ obedientiæ per præfentes eandem, injungimus, & mandamus, ut Superiorum dicti Ordinis auctoritatem, quantum fieri poterit, conservare cures. Et propterea, cum ipsi Superiores eorum officii debito satisfecerint, ac gubernio subditorum sufficienter incubuerint, tunc negociis eorumdem Fratrum, te non immisceas. Quando autem ab ipsis fueris requisitus, ut in eisdem negociis auctoritatem interponas, vel necesse fore cognoveris, ut eandem auctoritatem tuam in eisdem negociis exerceas, tunc id libere facere possis: sed quoad poteris

Declaratio associatis.

(a) Eandem facere facultates habent alii aliarum Religionum Protectores, sed has congruentius ponendas duxit Cherubinus.

Obedientia
eidem pre-
standa.

tueris per te ipsum hoc facere cures, adhi-
bito ad scribendum, quando opus fuerit in
eisdem negociis, seu causis, loco Notarii,
aliquo ex Fratribus dicti Ordinis.

§. 3. Mandantes propterea prædictis
Superioribus, nec non universis Fratribus,
& personis quibuscumque Ordinis hujusmodi
in virtute sanctæ obedientiæ, ut te in eum-
dem Protectorem juxta præsentium teno-
rem recipiant, & ea, qua decet, reverentia
prosequantur. Contrariis non obstantibus
quibuscumque.

Adhortatio ad
eundem Car-
dinalium.

§. 4. Caterum te in Domino hortamur,
ut hujusmodi protectionis munus ita obire
studeas, ut apud Deum bonorum operum
retributorem æternum præmium, & a No-
bis condignam laudem valeas promereri.

Dat. die 7.
Octob. 1608.
An. IV.

Datum Romæ apud S. Marcum, sub
Annulo Piscatoris, die 7. Octobris 1608.
Pont. Nostri Anno Quarto.

CXX.

Ex Regest. in
Secret. Brev.

In Hospitali Sancti Joannis Hierosolymita-
ni præcedentia servanda juxta antianita-
tem receptionis Magnæ Crucis.

PAULUS PAPA V.

Ad perpetuam rei memoriam.

Exordium.

Circumspecta Romani Pontificis, in quo
plenitudo potestatis consistit, provi-
dentia in id magnopere intendit, ut Chri-
stifideles præsertim Religioni addicti, se-
motis discordiis, Altissimo famulatum ex-
hibeant.

Facti series.

§. 1. Sane non sine animi Nostri mole-
stia accepimus, in Conventu Hospitalis San-
cti Joannis Hierosolymitani controversias
inter Bajulivos Capitulares, & Priores, seu
Fratres Magnæ Crucis nuncupatos dicti Ho-
spitalis circa locum, & præcedentiam tam
in Processionibus, quam in publicis, & pri-
vatis sessionibus in Ecclesia, & extra eam,
quotidie exoriri, cum alii alios variis ratio-
nibus, & prætensionibus præcedere prætep-
dant, & propterea quandoque ad publica
Consilia venire, non sine scandalo, & per-
turbatione dicti Hospitalis reculent;

Declaratio,
de qua in Rub.

§. 2. Nos idcirco pro Nostri Pastoralis
officii debito, huic malo occurrere volen-
tes, ac singulorum Bajulivorum, & Prio-
rum, seu Fratrum Magnæ Crucis prædicto-
rum jura, actiones, & prætensiones præsen-
tibus pro sufficienter expressis habentes,
Motu proprio, non ad alicujus Nobis super
hoc oblate petitionis instantiam, de Vene-
rabilium Fratrum nostrorum S.R.E. Cardina-
lium Sacris Ritibus, & Cœremoniis Præpo-
situm consilio, & Apostolica potestatis
plenitudine tenore præsentium statuimus,
& ordinamus, ut impostero perpetuis fu-
turis temporibus inter Bajulivos Capitulares,
& Priores, seu Fratres Magnæ Crucis dicti
Hospitalis nulla alia ratio præcedentiæ at-
tendatur, nisi antianitatis receptionis Ma-
gnæ Crucis, ut ille feliciter Bajulivus Capi-

tularis, & Prior, seu Frater Magnæ Crucis
cæteris tam in publicis, quam privatis ses-
sionibus, & processionibus præferatur, qui
prius Magnam Crucem suscepit, licet
simplicem habitum dicti Hospitalis alius si-
milis Bajulivus Capitularis, & Prior, seu
Frater Magnæ Crucis ante ipsum suscepisset,
exceptis tamen Episcopo, & octo Ba-
julivis Conventualibus, ac Priore Ecclesiæ
Melevitan. inter quos nulla est, sicut ac-
cepimus, hujusmodi controversia.

Contraria tol-
luntur.

§. 3. Non obstantibus præmissis, ac Re-
gula Nostra de non tollendo jure quæsito, &
quibusvis aliis Constitutionibus, & Ordina-
tionibus Apostolicis, nec non dicti Hospi-
talis, etiam juramento, confirmatione
Apostolica, vel quavis firmitate alia robo-
ratis Statutis, & consuetudinibus, privilegiis
quoque, Indultis, & literis Apostolicis eidem
Hospitali, illiusque Magno Magistro, Con-
ventui, & Fratribus, ac quibusvis aliis per-
sonis sub quibuscumque tenoribus, & formis,
ac cum quibusvis etiam derogatoriis
derogatoriis, aliisque efficacioribus, & in-
solitis clausulis, ac irritantibus, & aliis de-
cretis in contrarium præmissorum quomo-
dolibet concessis, confirmatis, & approba-
tis. Quibus omnibus, & singulis eorum,
tenores præsentibus pro plene, & sufficien-
ter expressis habentes illis alias in suo robo-
re mansuris, hac vice dumtaxat speciali-
ter, & expresse derogamus, cæterisque con-
trariis quibuscumque.

Dat. die 9.
Octob. 1608.
An. IV.

Datum Romæ apud S. Marcum, sub
annulo Piscatoris die 9. Octobris 1608. Pont.
Nostri Anno Quarto.

CXXI.

Declaratur Fratres Cappuccinos vere Fratres
Minores S. Francisci ejusdem S. Francisci
Regulæ consentaneas esse.

Cappuccinorum institutionem primo approbavit
Clem. VII. in sua Const. XXIV. Religionis
Tom. IV. Par. I. fol. 73.

PAULUS PAPA QUINTUS

Ad perpetuam rei memoriam.

Ecclesiæ militantis regimini, auctore Do-
mino, nullo suffragio meritorum, præ-
sidentes, ex injuncti Nobis officii debito
providere tenemur, ut qui sub B. Francisci
vexillis, qui inter strenuos Christi Duces
gloriæ splendore coruscant, in hujus vitæ Mi-
litia sub strictioris ejusdem B. Francisci Re-
gula disciplina Altissimo obsequium præ-
stant, & per corporis castigationem, per di-
vitiarum contemptum, sui que ipsius abne-
gationem, jejuniis, orationibus, sacris præ-
dicationibus, aliisque religiosis operibus va-
cantes, verbo, & exemplo veros sese B. Franci-
sci imitatores, & germina ostendunt, tales ab
omnibus absque ulla controversia habeantur.

Proccemium.

§. 1. Cum itaque, sicut accepimus a non-
nullis revocetur in dubium, an Fratres Ordinis

Causa hujus
conficitur.

Cappuccini
sunt vere Fra-
tres Minores
S. Francisci.

nis ejusdem S. Francisci Cappuccini nuncu-
pati, sint vere Fratres Minores, & etiam
quoniam Regulam Sancti Francisci profi-
tentur, filii Sancti Francisci, cum tempore
Sancti Francisci Instituti non fuerint, pari-
terque an eorum Constitutiones aliquid
habebant, quod Regulæ Sancti Francisci re-
pugnet.

§. 2. Nos dubia hujusmodi Apostolica
declarationis oraculo decidere cupientes,
cum Venerab. Fratrum Nostrorum S.R.E.
Cardinalium Concilii Tridentini interpre-
tum consilio matura deliberatione habita,
hac nostra perpetua valitura Constitutione,
auctoritate Apostolica, declaramus, Fratres
Cappuccinos esse vere Fratres Minores,
ac etiam (quamvis tempore S. Francisci
minime Instituti fuerint, cum tamen ejus
Regulam profiteantur, atque eorum institu-
ta congruant tam Regulæ Statuti, quam
ejusdem Regulæ declarationibus, que ha-
bentur in Constitutione sæl. record. Cle-
mentis Papæ V. Prædecessoris Nostri in ge-
nerali Concilio Viennensi edita, que inci-
pit: *Exiit de Paradiso*, filios Sancti Franci-
sci.

Eorumque
confit. sunt
consentaneæ
regulæ S. Fran-
cisci.
Clausula sub
lata &c.

§. 3. Eorum præterea Constitutiones ni-
hil continere, quod non sit Regulæ S. Fran-
cisci prædictæ consentaneum.

§. 4. Sicque ab omnibus, & singulis
censeri, ac reputari, & judicari debere, ac
irritum, & inane, quicquid fecerit super his a
quoquam quavis auctoritate, scienter, vel
ignoranter contigerit attentari, decerni-
mus.

Exequutores
deputantur.

§. 5. Quo circa omnibus, & singulis
Venerabilibus Fratribus Patriarchis, Ar-
chiepiscopis, Episcopis, ac dilectis filiis
Nostri, & Apostolicæ Sedis Nunciis per
præsentem mandamus, quatenus ipsi per se,
vel alium, seu alios præsentem literas, & in
eis contenta quæcumque, ubi, & quando
opus fuerit, & quoties pro parte Fratrum
Cappuccinorum prædictorum fuerint requi-
siti, solemniter publicantes, illisque in præ-
missis efficacis defensionis præsidio assisten-
tes, faciant auctoritate Nostra eos, præmis-
sis omnibus, & singulis juxta præsentium
continentiam, & tenorem, pacifice frui, &
gaudere. Non permittentes eos desuper a
quoquam quavis auctoritate quomodolibet
indebite molestari. Contradictores quosli-
bet, & rebelles, ac præmissis non parentes,
per sententias, censuras, & poenas Eccle-
siasticas, aliisque opportuna juris, & facti re-
media, appellatione postposita, compescen-
do: Nec non legitimis super his habendis
servatis processibus, illos sententias, cen-
suras, & poenas prædictas incurrisse decla-
rando, illasque iteratis vicibus aggravando,
invocato etiam ad hoc, si opus fuerit, au-
xilio brachii secularis.

Contraria
tolluntur, &
transumptis
additur fides.

§. 6. Non obstantibus præmissis, ac
Constitutionibus, & ordinationibus Apo-
stolicis, cæterisque contrariis quibuscumque
Volumus autem, & auctoritate prædicta
decernimus, ut præsentium transumptis
etiam impressis, manu alicujus Notarii pu-
blici subscriptis, & sigillo persone in digni-

tate Ecclesiastica constitutæ munitis eadem
prorsus fides in judicio, & extra adhibeatur,
quæ præsentibus adhiberetur, si forent exhi-
bitæ, vel ostensæ.

Datum Romæ apud S. Marcum, sub
Annulo Piscatoris die 15. Octobris 1608.
Pont. Nostri Anno Quarto.

Dat. die 15.
Octob. 1608
An. IV.

CXXII.

Conceditur secundas instantias Casarum
Militum Militiarum Sancti Jacobi de
Spatha, de Calatrava, & de Alcantara,
a Rege Catholico earum Administratore
committi posse duobus Militibus dicta-
rum Militiarum locum in Consilio Re-
gio habentibus.

Ex Regest. in
Secret. Brev.

Charissimo in Christo filio nostro Philippo
Hispaniarum Regi Catholico.

PAULUS PAPA QUINTUS

Charissime in Christo fili noster, salutem,
& Apostolicam benedictionem.

§. 1. **M**Ajestas tuæ nomine Nobis nu-
per expositum fuit, quod alias
Majestas Tua pro dirimendis nonnullis dif-
ferentiis, & controversiis inter Tribunalia
secularia, & consilium Ordinum Militia-
rum Sancti Jacobi de Spatha sub Sancti Au-
gustini, ac de Calatrava, & Alcantara sub
Cisterciens. Regulis, quarum Tu perpetuus
Administrator Apostolica auctoritate depu-
tatus existis, super modo, & forma cogno-
scendi, & tractandi causas criminales, &
mixtas Militum dictarum Militiarum vi-
gentibus, statuit, & ordinavit, ut de cate-
ro causa criminales, & mixta Militum
quorumcumque dictarum Militiarum, qui
tamquam delinquentes carceribus manci-
pati essent, a quibuscumque aliis Judicibus
remitti deberent, nec ipsi Judices in ipso-
rum Militum causis se intromittere pos-
sint: quodque a sententiis per dictum Con-
siliam super hujusmodi causis criminalibus,
& mixtis ferendis ad Majestatem Tuam
tamquam Militiarum prædictarum Admi-
nistratorem appellari possent: ac eadem Ma-
jestas Tua causas appellationum hujusmodi
in secunda instantia quatuor Judicibus, quo-
rum duo de Consilio Regio, & alii duo de
Consilio Ordinum Militiarum prædictarum
existerent, committeret; ab istis vero qua-
tuor Judicibus, si partes se gravatas senti-
rent, illis ad Majestatem Tuam tamquam
Administratorem dictarum Militiarum, ut
præfertur, iterum appellare licitum esset,
quo casu Majestas Tua per se ipsam, adhi-
bitis personis ab ea deputandis, causas eas-
dem in tertia, & ultima instantia cogno-
scere, & terminare, ac sententiam per se
ferendam executioni demandare quibus-
cumque non obstantibus omnino deberet.

Philippus Rex
nonnulli sta-
tuatur super
modo appel-
landi in causis
hujusmodi
Militiarum,
easque deci-
dendi.

§. 2. Et subinde sæl. rec. Clemens Pa-
pa VIII. Prædecessor noster per suas in for-
ma Brevis literas ordinationem prædictam
quoad

Que a Cle-
mente VIII
fuerunt appro-
bata.

quoad Milites dictarum Militiarum [non tamen Clericos Beneficiatos, vel in Sacris Ordinibus constitutos, aut eos, qui vulgo *Frayles* nuncupantur, quorum causas, necnon criminales, & mixtas ipsorum Militum, quae merè existunt Ecclesiasticae, videlicet haeresis, simoniae, ac usurae, ubi agitur, an contractus sit feneratorius, vel ne, a praedicta ordinatione excepti] confirmavit, & approbavit, ac inviolabilis firmitatis robore communicavit, omnesque, & singulos tam juris, quam facti defectus, si qui desuper intervenissent, supplevit; Et nihilominus, quod causae criminales, & mixtae ad Milites quatumcumque Militiarum praedictarum, non tamen ad Clericos Beneficiatos, vel in Sacris Ordinibus constitutos, aut *Frayles* nuncupatos pertinentes, nec praedictae criminales, & mixtae vere Ecclesiasticae haeresis videlicet, simoniae, & usurae, ubi agitur, an contractus sit feneratorius, vel in prima instantia per consilium dictarum Militiarum juxta formam statutorum, & stabilimentorum ipsarum Militiarum cognosci, & terminari: quodque ad ipsum consilium Milites Militiarum, qui tamquam delinquentes Carceribus manciparentur, a quibuscumque aliis Judicibus remitti deberent, nec ipsi Judices in ipsorum Militum causis criminalibus, & mixtis praedictis, ut supra exceptis sese intromittere possent, quodque a sententia per dictum consilium super hujusmodi causis criminalibus, & mixtis ferendis, ad Majestatem Tuam tamquam Militiarum praedictarum administratorem appellari possent, ac eadem Majestas Tua causas appellationis hujusmodi in secunda instantia quatuor Judicibus, quorum duo de consilio Regio, & alii duo de dicto consilio Ordinum Militiarum hujusmodi essent, committere, ab ipsis vero quatuor Judicibus, si partes se gravatas sentirent, illis ad Majestatem Tuam tamquam Administratorem dictarum Militiarum, ut praefertur, iterum appellare liceret, quo casu Majestas Tua per se ipsam, adhibitis personis ab ea deputandis causas easdem in tertia, & ultima instantia cognoscere, & terminare, quacumque ulteriori appellatione remota, deberet, statuit, & ordinavit, prout in dictis literis plenius continetur.

Idem Philippus statui perit, prout in Rubrica.

Concedit Paulus.

expressis habentes hujusmodi supplicationibus inclinati; Quod Majestas Tua tamquam dictarum Militiarum Administrator, quoties Causae hujusmodi in secunda instantia committenda erunt, quatuor Judicibus, duobus videlicet de consilio Regio, & duobus de consilio Militiarum praedictis, ita tamen, quod si in dicto consilio Regio, dictarum Militiarum Milites extiterint, illis, simulque praedictis duobus de consilio Militiarum, & non aliis, illas committere debeat, exceptione, & literis praedictis alias in suo robore permanens, auctoritate Apostolica, tenore praesentium decernimus, statuiamus, & ordinamus.

Derogat contrariis.

§.5. Non obstantibus quibusvis Constitutionibus, & Ordinationibus Apostolicis, ac dictarum Militiarum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium praemissorum quomodolibet concessis, confirmatis, & approbatis. Quibus omnibus, & singulis, eorum tenores praesentibus pro expressis habentes, hac vice dumtaxat specialiter, & expresse derogamus, ceterisque contrariis quibuscumque.

Transumpti credi jubet.

§.6. Volumus autem, ut praesentium transumptis manu alicujus Notarii publici subscriptis, & sigillo alicujus personae in dignitate Ecclesiasticae constitutae munitis, eadem prorsus fides adhibeatur in Judicio, quae ipsis praesentibus adhiberetur, si forent exhibita, vel ostensa.

Datum Romae apud Sanctum Petrum sub Annulo Piscatoris die 5. Novemb. 1608. Pontificatus nostri Anno IV.

Dat. die 5. Novemb. 1608. An. IV.

CXXIII.

Misso ad Maronitas Jubilaeo admonentur, ut zelosum, probumque eligant Patriarcham, & in fide erga Sedem Apostolicam perseverent.

Ex Regest. in Sect. brev.

PAULUS EPISCOPUS

SERVUS SERVORUM DEI

Venerabilibus Fratribus Archiepiscopis, & Episcopis, nec non dilectis Filiis Clero, & Populo Maronitarum.

Benedictus Deus Pater Domini nostri Jesu Christi, qui secundum magnam misericordiam suam in Diluvio aquarum multarum variorum schismatum, scilicet, & haeresum, impiarumque perversitatum, quae jamdiu Orientem inundaverunt, & pene universum obrutum miserabiliter tenent, illas ad vos approximare non permittit, sed singulari clementiae suo dono in Catholicae fidei veritate, & in Romanae Sedis unitate, tot saeculis vos conservare dignatus est. Quapropter fides vestrae annunciat in universo Mundo, celebratur in Mundi totius Ecclesiarum Matre, & Magistra Romana Ec-

Maronites contra haereticos an tunc S. R. E. haeresisque ex petet.

Ecclesia, Beati Petri merito, Domini voce consecrata, cujus vos divinum agnoscentes super omnes Ecclesias Primatum, debitum Christo honorem impenditis, qui ex universo hominum genere, unum Petrum elegit, quem universarum Gentium vocationi, & omnibus Apostolis, cunctique gregis sui non solum ovibus, sed regendis etiam praeficeret Pastoribus; gaudete igitur in Domino semper. Gaudete, inquam, gaudeamus omnes de tanto Domini dono, & gratias agentes Deo, confitemur Domino, quoniam bonus, quoniam in saeculum misericordia ejus; Dicat nunc Populus Maronitarum, quoniam in saeculum misericordia ejus.

Sergius Archiepiscopus Damascenus ad Pontificem Legatus a Patriarcha.

§.1. Quod sane gaudium renovavit, & auxit magnopere in Nobis gratissimus adventus Venerabilis Fratris Sergii Damasceni Archiepiscopi Maronitarum, una cum dilectis filiis Elia, & Georgio Presbyteris Monachis Ordinis S. Antonii, ac Josepho Clerico ad Apostolatam nostrum ad praestandum humilitati nostrae, & B. Petri Sedi obedientiam, & de aliis gravibus Ecclesiae vestrae negotiis missi: sed gaudium nostrum, sicut divinae dignationis voluntas fuit, ne plenum esset, factum est, gravi nuncio, & inexpectato obitu: me: Petri Patriarchae vestri Maronitarum Antiocheni, qui pro sua pastoralis sollicitudine, Catholicae religionis zelo, & in Apostolicam Sedem sincera devotione, Sergium Archiepiscopum suum fratrem germanum misit, quo tanto Pastore orbatos sane ut vos merito dolere non dubitamus: ita Nos iusto vobiscum dolore compatimur.

Qui cum obierit, ut alii elegant, momentur.

§.2. Verum, quando ille, divina disponente clementia, cursum consummavit, & ad Coronam iustitiae accipiendam decessit, reliquum est, ut pro vestra fraterna, ac filiali pietate, sacrificia, orationes, & eleemosynas pro illo Deo offeratis, ut, si quid ex culpis per humanam fragilitatem in vita contractis purgandum illi restat, propitiationibus vestris juvetur, aut gratiarum actionis loco pia hujusmodi opera Deus suscipiat, si ad aeternae pacis beatitudinem per abundantiam gratiae Christi pervenire promeruit. Illud autem, vobis illis loquimur, ad quos electio novi Patriarchae spectat, illudque cordi esse, illud vos diligentissime curare, & a Domino instanti petere desideramus, & ut re ipsa efficiatis, pro pastoralis officii debito enixe hortamur, ut Petro Successorem dignum, ac tanto oneri gerendo aptum eligatis. Videte, ne caro, & sanguis revelet Vobis, quis ad ministerium curae pastoralis hujusmodi promovendus sit: sed omnes parvulos vestros, hoc est omnia carnalia desideria ad petram angularem, Christum Jesum Dominum nostrum altidentes, in sinceritate, & re-stitudine spiritus, zelum Domus Dei solius sequentes, virum eligite prudentem in primis, & humilem, fidei Catholicae ardore conspicuum, qui cum opus fuerit, possit murum se opponere pro domo Israel, & paratus sit obedire magis Deo, quam homi-

nibus, quique Evangelicam Doctrinam, Ritus Ecclesiae, ac Sacrorum Canonum decreta docendo, munus suum adimplere recte valeat, & gregem sibi commissum verbo, & exemplo pascere, & ad vitam deducere sempiternam.

Apostolica benedictio eis conceditur.

§.3. Ceterum, quoniam ob Petri Patriarchae transitum, ea, quae a Nobis, & Apostolica Sede postulabat, indulgere non licuit, Fratritates, ac dilectiones vestras scire volumus, humilitatem nostram, & Apostolicam Sedem, vos, ac nationem vestram unice in Domino diligere, & memoriam vestri Nos facere in orationibus nostris, vos Beatis Apostolis commendantes, ut eripiant sua intercessione & tribulationibus, quibus circumdati estis, nec deerimus umquam vestram in eandem Sedem antiquam, constantemque devotionem paternis officiis, & gratiis, quantum in Domino concedetur, libentissime prosequi. Interim, quod etiam ab eodem Sergio Archiepiscopo petum fuit, ex parte Omnipotentis Dei, Patris, ac Filii, & Spiritus Sancti, ac Beatorum Petri, & Pauli Apostolorum ejus, Vobis omnibus, & singulis Apostolicam nostram benedictionem impertimur.

Et Jubilaeum.

§.4. Mittimus etiam ad Fratritates, & dilectiones vestras Jubilaeum universale, superioribus diebus, pro praesentibus Ecclesiae necessitatibus a Nobis indictum, hortamurque vos, ut devote tantum Ecclesiae thesaurum accipiatis, nostramque humilitatem, & Ecclesiam Dei, orationibus vestris juvare procuretis. Dedimus praeterea Sergio Archiepiscopo nonnullas alias indulgentias pro certis Ecclesiis vestris, quibus, suis temporibus frui, ad animarum vestrarum salutem, & in Christo quiescentium refrigerium possitis.

Et ad patientiam, & constantiam adhortantur.

§.5. Restat, ut Fratritates, & Dilectiones vestras hortemur ad patienter pro Christo ferendas pressuras: breves dies sunt, & adhuc pusillum, & non erit peccator, sustinentesque Dominum, haereditate possidebunt terram illam viventium, ubi gloria, & honor omni operanti bonum in saecula saeculorum.

Datum Romae apud S. Petrum Anno Incarnationis Dominicae millesimo sexcentesimo octavo, quarto Kalendas Decembris, Pontificatus nostri Anno IV.

Dat. die 18. Novemb. 1608. An. IV.

C X X I V.

Ex Regest. in Secretis Brevis.

Admonetur Hispaniarum Rex, ut decem millia ducatorum auri de Camera, ex elemosynis, quæ causa, & occasione Indulgentiarum, & gratiarum Cruciatæ erogabuntur in Regnis Portugallia, & Fabricæ Basilicæ Principis Apostolorum de Urbe quot annis solvi caret.

Charissimo in Christo filio nostro Philippo Portugallia, & Algarbiorum Regi Catholico.

PAULUS PAPA V.

Charissime in Christo fili noster salutem, & Apostolicam benedictionem.

Ad triennium Paulus prorogaverat indulgentias Cruciatæ pro incolis Regnorum Portugallia, & Algarbiorum.

§. 1. Hodie per alias Nostras in simili forma Brevis expeditas literas, justis, & gravibus causis adductis, vice, & loco Indulgentiarum, & gratiarum cl. me. Philippo Portugallia, & Algarbiorum Regi Catholico Genitori tuo, & omnibus in Regnis prædictis consistentibus, & ad illa declinantibus, per sæl. re. Gregorium XIII., Clementem VIII. Romanos Pont. Prædecessores Nostros, & postremo per Nos ad triennium concessarum, extensarum, & sæpius prorogatarum Majestati tuæ, & omnibus Christianidelibus in prædictis Portugallia, & Algarbiorum Regnis, ac eorundem Regnorum Insulis, Indiis Orientalibus, & Ultramarinis conquisitis Terris, & Locis Dominio temporali prædictorum Regnorum subiectis commorantibus, & ad illa declinantibus, ac eorundem Regnorum subditis in dictis Indiis in alieno Dominio mercimonii causa, non tamen animo in alieno Dominio hujusmodi permanendi degentibus, Indulgentias, & gratias illas spirituales, & temporales ad sexennium publicandas, & duraturas prædicto Philippo Genitori tuo, ac omnibus, & singulis Christianidelibus in Regnis, & Dominiis Hispaniarum, & illis adiacentibus, nec non Sardinia Insulis consistentibus, & ad illa declinantibus, qui certa munera adimpleverint a diversis Romanis Pontificibus Prædecessoribus Nostris, & postremo a Nobis concessas, & prorogatas ad triennium proximum concessimus, & indulgimus, prout in dictis literis plenius continetur.

Statuit ex elemosynis colligendis decem m. Ducatantibus Fabricæ S. Petri de Urbe solvi.

§. 2. Ut autem Fabrica Basilicæ Principis Apostolorum de Urbe, quæ in eisdem Apostoli honorem jam multis annis ingentibus sumptibus extruitur, Fidelium elemosynis adjuvetur, volumus, & Apostolica auctoritate tenore præsentium decernimus, ut ex elemosynis, quæ causa, & occasione dictarum Indulgentiarum, & gratiarum erogabuntur, decem millia ducatorum auri de Camera quot annis a data præsentium incipien., eidem Fabricæ impertiri, & pro ea Venerabili Fratri Decio Archiepiscopo Damasceno moderno, & pro tempore existentis Nostro, & Apostolicæ Sedis apud Majestatem tuam in Regnis Hispania-

rum Nuncio solvi omnino debeant. §. 3. Non obstantibus Constitutionibus, & Ordinationibus Apostolicis, cæterisque contrariis quibuscumque.

Derogat obstantibus.

Datum Romæ apud S. Petrum sub Anno Piscatoris die nona Decembris 1608. Pont. Nostri Anno Quarto.

Dat. die 9. Dec. 1608. An. IV.

C X X V.

Ne Fratres, & Moniales eligant confessionarium ex privilegio Bullæ Cruciatæ.

Ex Regest. in Secretis Brevis.

PAULUS PAPA V.

Ad perpetuam rei memoriam.

§. 1. Alias felicis record. Clementi Papæ VIII. Prædecessori Nostro nomine Prioris Generalis Fratrum Beatæ Mariæ de Monte Carmelo exposito, quod cum in Bulla Cruciatæ Sanctæ, & aliis privilegiis, quæ ab Apostolica Sede concedi solent, datur facultas eligendi Confessorem idoneum ab Ordinario approbatum, qui possit Christianifideles abolvere a casibus Ordinarii reservatis, & a quibusdam etiam, quæ dicte Sedi reservata sunt: Religiosi dicti Ordinis, seu eorum nonnulli, etiam iis facultatibus uti præsumebant, & illorum pretextu eligebant Confessorem aliquando præter eos, qui a suis Prælatibus eorum confessionibus audiendis deputati erant, quod aliquando in spirituale eorum vergebat detrimentum; dictus Clemens Prædecessor ejusdem Prioris supplicationibus, etiam ex tunc sibi humiliter porrectis, inclinatus, per suas in simili forma Brevis expeditas literas concessionem Sanctæ Cruciatæ, & aliorum Indulgentiarum particularium, quantum ad prædictum articulum eligendi Confessarium, & abolvendi a casibus reservatis, cum Fratribus, & Sororibus Monialibus Ordinis prædicti, ac aliorum quorumcumque Ordinum, ac Congregationum cujusvis Instituti Mendicantium, & non Mendicantium tam Provincia Hispania, quam extra eam ubilibet locorum minime habere, neque censerit, sed suæ intentionis fuisse, quod iidem Fratres, & Moniales, quantum ad Sacramentum Poenitentia, seu confessionis administrationem dispositioni suorum Prælatorum subiecti essent, perpetuo declaravit: iidem tamen Prælatibus, ut in usu hujusmodi potestatis se cum subditis faciles, & benignos exhiberent, præcepit, & mandavit, prout in dictis literis plenius continetur.

Clemens VIII. declarat neque Fratres neque Moniales posse Confessarium sibi eligere ex Privilegio Bullæ Cruciatæ.

§. 2. Cum autem sicut Nobis nuper nomine venerabilis Fratris Ludovici Episcopi Salamantini expositum fuit, pro declaratione, ac præcepti, & mandati, nec non litterarum prædictarum firmiori subsistentia, plurimum expediat, illas per Nos approbare, & confirmari: Ideo nobis humiliter supplicari fecit, ut in præmissis opportune providere de benignitate Apostolica dignamur.

Episcopus Salamantinus Clementis literas petiit confirmari.

§. 3. Nos igitur, qui personarum sub religionis

Co. Genat Paulus

ligionis jugo Altissimo famulantium statui, & salubri directioni libenter consulimus, & per Romanos Pontifices Prædecessores Nostros provide disposita, ut inviolabiliter observentur curare tenemur, dictarum litterarum tenores præsentibus pro expressis habentes, declarationem, & literas prædictas Apostolica auctoritate, tenore præsentium perpetuo confirmamus, & approbamus, illisque perpetuæ, & inviolabilis Apostolicæ firmitatis robur adjicimus, ac ab aliis Monachis, & Fratribus, ac Monialibus prædicti, & quorumvis aliorum Ordinum, & Congregationum, cujusvis Instituti, Mendicantium, & non Mendicantium tam Provincia Hispania, quam extra eam, inviolabiliter observari similiter mandamus, & præcipimus.

Obstantia tollit.

§. 4. Non obstantibus Constitutionibus, & Ordinationibus Apostolicis, ac prædicti & quorumvis aliorum Ordinum, etiam juramento, confirmatione Apostolica, vel quavis firmitate alia roboratis Statutis, & consuetudinibus, cæterisque contrariis quibuscumque.

Transumptis credi jubet.

§. 5. Volumus autem, ut præsentium transumptis etiam impressis manu alicujus Notarii publici subscriptis, & sigillo alicujus persone in dignitate Ecclesiastica constituta munitis, eadem prorsus fides adhibeatur, quæ præsentibus adhiberetur, si forent exhibitæ, vel ostense.

Dat. die 24. Dec. 1608. An. IV.

Datum Romæ apud S. Petrum, sub Anno Piscatoris die 24. Decemb. 1608. Pont. Nostri Anno Quarto.

C X X V I.

Ex Regest. in Secretis Brevis.

Angamalensis Ecclesia in Archiepiscopatum restituitur.

PAULUS EPISCOPUS

SERVUS SERVORUM DEI

Ad perpetuam rei memoriam.

Exordium.

Romanus Pontifex æqui, bonique supremus assertor, ea quæ per alios Romanos Pontifices Prædecessores suos circa certarum Civitatum, & Ecclesiarum Statum provide disposita, & ordinata credebantur, ut Civitatum tranquillitati, nec non Ecclesiarum ipsarum honori, & decori consulatur, ac scandalorum, animarumque periculis occurratur, successu temporis, in pristinum statum reponere, & ex potestate sibi divinitus tradita desuper opportune providere, consuevit, prout personarum, temporum, & locorum qualitatibus debite pensatis conspiciat in Domino salubriter expedire.

Clemens VIII. Ecclesiam Angamalensem ad Episcopatum redegit, & Archiepiscopo Goano subiecit.

§. 1. Alias siquidem fel. record. Clementis Papæ VIII. Prædecessor Noster certis tunc causis adductis in Ecclesia Angamalensis, quæ in remotis, & inter Gentiles, & Schismaticos, & alios errorum Sectatores existit, & cui Ven. Frater Noster Franciscus Episcopus Angamalen. ad præfens præfessus Bull. Rom. Tom. V. P. III.

dignoscitur, Suffraganeis tunc carente, & certo modo Pastoris solatio destituta, nomen, & titulum Archiepiscopi, ac Metropolitana Ecclesia, nec non Sedem, Dignitatem, Superioritatem, Præminentiam, Archiepiscopales, universumque jus Metropolitanicum per quasdam suas literas perpetuo suppressit, & extinxit, ipsamque Ecclesiam ad statum simplicis Cathedralis Ecclesia pro uno Episcopo futuro Suffraganeo pro tempore existent. Archiepiscopo Goano Metropolitico jure, etiam perpetuo subiecit, prout in dictis literis plenius continetur.

Eam in Archiepiscopatum restituit Paulus.

§. 2. Cum autem, sicut accepimus, suppressio, extinctio, reductio, & subiectio hujusmodi, perturbationem in dilectis filiis clero, & populo Civitatis Angamalensis introduxerint: Nos ne earumdem suppressionis, extinctionis, reductio, & subjectionis prætextu, dicta Ecclesia Angamalensis aliqua in spiritualibus, & temporalibus dispendia patiatur, pro Nostro Pastoralis officii debito providere volentes, motu proprio, non ad prædicti Francisci Episcopi, vel alterius pro eo nobis oblatæ petitionis instantiam, sed de Nostra mera deliberatione in dicta Ecclesia Angamalen. nomen, & titulum Archiepiscopi, & Metropolitana Ecclesia, nec non Sedem, Dignitatem, & Præminentiam Archiepiscopales, universumque jus Metropolitanicum de voto venerabilium Fratrum Nostrorum S. R. E. Cardinalium, negociis, & rebus Consistorialibus Præfectorum Apostolica auctoritate, tenore præsentium perpetuo restitimus, ac ipsam Ecclesiam Angamalen. adversus suppressionem, extinctionem, & literas Clementis Prædecessoris hujusmodi, ac omnia, & singula in eis contenta, & alias in integrum, ac pristinum, ac eundemmet statum, in quo ante suppressionem, & literas prædictas reperiebatur, ita quod ex nunc deinceps perpetuis futuris temporibus tam illa, quam Franciscus Episcopus, & illius in dicta Ecclesia Angamalen. Successores nomine, & titulo Metropolitana Ecclesia, ac Archiepiscopi, nec non Sede, dignitate, superioritate, & præminentia Archiepiscopalis, universoque jure Metropolitico uti, & gaudere possint, & debeant in omnibus, & per omnia, perinde ac si suppressio, & literæ prædictæ numquam emanassent, auctoritate, & tenore præmissis similiter perpetuo restitimus, reponimus, & plenarie reintegramus, ipsamque Ecclesiam Angamalen. ad statum, & essentiam Archiepiscopalis, & Metropolitana Ecclesia, prout antea erat, reducimus, & ab omni suffraganeatus, superioritate, & Metropolitico jure Ecclesie Goan., illiusque Archiepiscopi eisdem auctoritate, & tenore etiam perpetuo eximimus, & liberamus.

Clause pro præfens constitutionis firmate.

§. 3. Decernentes Ecclesiam Angamalen. hujusmodi adversus suppressionem, & literas prædictas perpetuo restitutam, reductam, exemptam, & liberam, necnon eandem præfens literas nullo unquam tempore ex quavis causa de subreptionis, aut nullitatis vitio, seu intentionis nostræ, vel quopiam